

No. 57. 1386. 9. Nov.

Der Probst und Convent zu St. Afra geben dem Stadtrathe das Versprechen, dass die von dem Bürger Joh. Ysinhut gestiftete, Donnerstags in der Frauenkirche zu haltende Messe pünctlich gesungen werden soll.

Wir Ernfrid von Slinicz prabist, Conrad von Axin prior vnde der gancze convent dez closters zcu sente Affren in Mißen ordins senti Augustini geistliche tñmhern, daz icht dy dinge dy do geschen in der zeit mit der vorgenclichkeit der zeit vorgeyn vnd vorterbín, sundern stete vnde gancz ewichlich blibin, dorumme werdin sy dicke mit gezugnisse der brife bestetigit. Hirumme wir vorgnanter probist, prior vnde conuent bekennen vnde tun kunt allen cristenluten, dy dissen selbin brif sehn horin adir lesin, beyde den dy izeunt sint adir hir noch geborn werdin, daz eyn vorsichtiger getruwer man, genant Johannes Ysinhut von Cicz mitteburger zcu Mißen, gemacht hat eyne ewige messe in vnser cappelle zcu vnser libin vrowin gelegin in Mißen an deme marckte, dy wir ane hindernisse ewichlichen vnde vmmerme ubir deme nūwen altere von deme heyligen lichnam vnsers libin hern alle dornstage herlich vnde groslich singin wullin vnde sullin vnde schicken, das sy gesungin wirt deme heiligen lichnamb vnsers libin hern Jhesu Cristi zcu lobe vnde zu grozere ere vnde vns allin gemeynlich zcu troste vnde zcu gnadin vnsern selen, vnde bekennen, das wir gelobit habin vnde gelobin in dissem selbin brife vor vns vnde vnser nochkomelinge mit allin truwen an arge den wisen vorsichtigen vnde bederwen luten, burgermeistere burgern geschwornen, dy izeunt sint vnde allin yren nochkomeligen vnde der ganczen gemeyne der egnanten stat zcu Mißin, daz wir dy megnannte messe in alle wiz vnvorruckt, alz vorbeschrebin steit, haldin sullen vnde wullen ane hindernisse vnde wedersprechen. Der egeschrebin rede vnde gelobde zcu gezugnisse vnde mer sicherheit habin wir dickegnanten .. probist .. prior vnde convent vnser probstie vnde capittils ingesegille mit wolbedachten mūte vnde vorrate vnser aller an dissen brif lazin hengin, der gegeben ist noch Cristi geburte tusint iar, drihundert iar, in deme sechz vnde achczigisten iare an deme nesten fritage vor sente Mertinstage dez heiligin bischofis.

Nach dem Orig. im Rathsarchiv zu Meissen mit den beschädigten Siegeln des Probstes und des Convents an Pergamentstreifen.

No. 58. 1387. 1. Mai.

Das Domcapitel erklärt, dass der Abbruch des Hauses genannt ‚das Fuchzhoel‘ mit seiner Genehmigung geschehen sei und die Stelle nie wieder bebaut werden solle, die Stadt aber eine Mauer aufzuführen und im Stande zu erhalten habe, dagegen aber von der Zahlung der bedungenen 4 Schock Gr. für das Haus befreit sein solle.

Wir Nikolaus techand vnde das gancze capitel czû Mizsen bekennen vnde thun kunt mit disem brieue, das wir durch geheise vnde sunderlicher bethe wegin